

# PANGKALAN UDARA BUTTERWORTH TERIMA KUNJUNGAN HRH PUTERA CHARLES, PRINCE OF WALES

[airforce.mil.my/berita/acara-rasmi/2645-pangkalan-udara-butterworth-terima-kunjungan-hrh-putera-charles-prince-of-wales](http://airforce.mil.my/berita/acara-rasmi/2645-pangkalan-udara-butterworth-terima-kunjungan-hrh-putera-charles-prince-of-wales)

BUTTERWORTH, 7 Nov 17 - HRH Putera Charles, Prince of Wales hari ini telah membuat kunjungan ke Pangkalan Udara Butterworth dalam rangka lawatannya ke Malaysia bersempena Ulang Tahun ke-60 hubungan dua hala antara Malaysia dan United Kingdom.

Ketibaan HRH Putera Charles dan rombongan telah disambut oleh Panglima Bantuan Udara, YBhg Lt Jen Dato' Sri Wan Normazlan bin Che Jaafar TUDM dan Pemangku Komander Pangkalan, Kol Amer Mahmud bin Abdul Rahman TUDM serta Pegawai-pegawai Kanan TUDM yang lain.

Dalam rangka lawatan di sini, HRH Putera Charles turut membuat lawatan ke HQ Integrated Area Defence System (HQIADS) yang diiringi oleh wakil TUDM, Timbalan Panglima HQIADS, YBhg Brig Jen Dato' Sun Thong TUDM.

Lawatan ini merupakan sebahagian daripada lawatan ke Singapura, Malaysia dan India dari 30 Okt sehingga 9 Nov. Selepas melawat Malaysia, HRH Putera Charles dan isteri baginda, Camilla, Duchess of Cornwall akan meneruskan lawatan ke India selama 11 hari.





